

| | | | |
|-------------|--------------------------------------|-------------|---------------------|
| Headline | ICoE bantu penuntut bekerja sambilan | | |
| MediaTitle | Berita Harian | | |
| Date | 31 May 2012 | Language | Malay |
| Circulation | 192,982 | Readership | 1,521,000 |
| Section | Supplement | Color | Full Color |
| Page No | v1 | ArticleSize | 211 cm ² |
| AdValue | RM 7,116 | PR Value | RM 21,348 |
| | | | |



ICoE bantu penuntut bekerja sambilan

KUALA LUMPUR: Pusat Kecemerlangan Industri (ICoE) Pemborongan dan Peruncitan yang dilancar, baru-baru ini bakal memberi peluang kepada pelajar institusi pengajian tinggi (IPT) memperoleh pendapatan sampingan menerusi kerja sambilan.

Menteri Pengajian Tinggi, Datuk Seri Mohamed Khaled Nordin, berkata menerusi program pembangunan itu, IPT akan bekerjasama dengan bersama Persatuan Rangkaian Runcit Malaysia (MRCA) dan Mydin Mohamed Holdings Berhad (Mydin) bagi memberi peluang kepada mahasiswa yang masih dalam pengajian bekerja sambilan dengan industri, sekaligus dapat mengurangkan kos sara hidup mereka.

"Mahasiswa bukan saja akan memperoleh sumber pendapatan, malah mendapat pengalaman yang berguna dalam bidang perniagaan atau peruncitan. Ini juga memberi peluang kepada industri mengenal pasti kebolehan yang ada pada mahasiswa seterusnya menawarkan peluang pekerjaan kepada mereka apabila tamat pengajian," katanya.

Turut hadir, Ketua Pengarah Jabatan Pengajian Tinggi, Datuk Dr Rujhan Mustafa; Pengarah Urusan Mydin, Datuk Dr Ameer Ali Mydin dan Presiden MRCA, Datuk Nelson Kwok.

Program ICoE MRCA dan Mydin itu diadakan bersama beberapa IPT seperti Universiti Utara Malaysia dan Universiti Teknologi MARA (UiTM) Perak.

ICoE ditubuhkan bagi menemukan industri dan universiti untuk bertukar pandangan dalam

pelbagai bidang yang meliputi perancangan sumber manusia, penempatan mahasiswa untuk latihan industri, kerja sambilan

serta penyelesaian masalah secara bersama dalam isu teknologi.

Selain itu, ia memberi fokus kepada pembangunan modal insan dari peringkat lepasan sekolah, sijil, diploma dan Ijazah Sarjana Muda melalui latihan industri dan kerja sambilan.

Mohamed Khaled berkata, mahasiswa pada masa kini seharusnya bersedia dalam menghadapi arus globalisasi serta cabaran mendatang dengan melengkapkan diri dengan kemahiran sepatutnya untuk menghadapi alam pekerjaan.

Katanya, menerusi pembabitan dalam latihan yang ditawarkan ICoE Pemborongan dan Peruncitan itu, penuntut bukan saja dapat menambah pendapatan sampingan, bahkan memperoleh pengalaman berharga sebagai persiapan apabila memasuki alam pekerjaan kelak.



MOHAMED Khaled (tengah) menyerahkan 'plaque' kepada Ameer (kanan) dan turut bersama Dr Rujhan dalam Majlis Pelancaran Pusat Kecemerlangan Industri di Segi University College, baru-baru ini.